من وحي أحلات سپتمپر

إهداءات ٢٠٠٢ الأستاذ / أمين الديب القاهرة

شعر: أمسين الديب

الحقيقة المحالة المحقية المحق

حقوق الطبع محفوظة الطبعة الثانية ٢٠٠٣م

رقم الإيداع: ١٠٨٤٨/٢٠٠٢م

الإهداء

إلى الشعب العربي والعالم الإسلامي

..لعلهم لا ينخدعون

إلى الشعب الفلسطيني وشعب أفغانستان ومن سيصيبه الدور ... العلهم يصمدون

إلى عملاء أمريكا ممن مهدوا لها السبيل لحربها ضدنا ..فنحن لهم كارهون

إلى الشعب الأمريكي

..لعلهم يتحققسون

إلى الخائفين والمرتعشين والمتشككين

..لعلهم ينتفضون ولا يعبؤون

إلى كل هؤلاء أقدم لهم ديوان من وحى الهجمة الأمريكية وأحداث ١١ سبتمبر سنة ٢٠٠١م، «بكرة حتبان الحقيقة»

أمين الديب

بسر الله الريم الريم

بسمانترالرحم الرحم معمد معمد وتقديم

أيها القارئ العزيز الذي تشرف بأن يكون هذا الديوان بين يديك

سلام الله عليك ورحمته وبركاته وبعد

شوف یاخویا أو یا أختی أو یا ابنی أو یا بنتی أولاً كل واحد بیعمل كتاب أو دیوان بیعمل فیه إهداء وتقدیم ومقدمة وطبعاً مادة الكتاب سواء إن كانت قصة أو شعر فصیح أو عامی فلما عزمت وتوكلت علی الله وقلت أعمل القصائد اللی اتنشرت لی فی دیوان قلت أعمل زی اللی سبقونی جیت علی مسألة الإهداء وقلت (منه وإلیه) یعنی الكلام رؤیة شعبیة وأنا بس باعبر عنهم بكلام منظوم، فیبقی الإهداء لكل الشعب المصری وبعدین رجعت تانی قلت یا واد یا أمین ما تخلیها لشعوب العالم كله وللحكام كمان عشان یمكن یعرفوا رؤیتنا ویعملوا بها وخصوصاً وللحكام كله دیموقراطی زی ما بیقولوا الحكام العرب والأجانب

هذا من ناحية الإهداء، أما التقديم ف دى المشكلة اللي واجهت العبد لله فالتقديم عايز اأستاذ كبير أو أديب كبير من أساتذة الجامعة المعروفين قلت في سرى طيب أنا مارحتش الجامعة ومعرفش الأساتذة الكبار طيب أعمل إيه؟ تعمل إيه يا واديا أمين! تعمل إيه يا واد يا أمين؟ وأخيرًا قلت خليها على الله حتفرج أو أطبعه من غيـر تقديم وأعمل زى الجماعة الكبار يعنى هيّ الكتب بتاعتهم فيها تقديم؟ وارجع تاني وأقول دول معروفين ومش محتاجين تقديم المهم قـعد عقلي يودي ويجيب لحد ما في يوم لقيت نفسسي في ندوة في طنطا مع الشاعر والأديب والناقد الكبير الأستاذ الدكتور جابر قميحة والراجل ده كان بالنسبة لي نجم عالى في السما زي ما بيقولوا بتوع اللغة العربية بعيد المنال ما اكتـرش عليكم بالكلام قلت فُرجت هو قــال قصــيدتين عجــبوا الجمهور وصقفوا له كثير والعبد لله قال قصيدتين برضه بس بالعامية عجبوا برضه الجمهور وصقفوا لى قلت بس يا واديا أمين كلمه على مسألة التقديم وانتهزت الفرصة أثناء الغذاء وهب جيت افاتحه في الكلام لقيت بيقول لي إيه رأيك يا حاج أمين ما تكتب بالفصحى أحسن. بينى وبينكم كانت صدمة لى لكن قلت إنشاء الله ورحت بالع الكلام اللى كنت حاقوله وحطيت همى في بطنى وسكتت وكل واحد راح لحاله وكانت رؤيتي لهذا الرجل العظيم الودود البحبوح اللي زى العسل المرة الأولى والأخيرة حتى كتابة هذه السطور وأتمنى من الله أن يطيل الله في عمره وعمرى ونتقابل كتير ...

يا أخى القارئ شوف المفاجأة اللى جاية واستعد لها اشتريت جريدة (آفاق عربية) الل بتطلع كل يوم أربعاء وبالتحديد العدد رقم ٥٢٥ بتاريخ ٢٠٠١/١١/٢٩ وألاقى الدكتور جابر قميحة بيقدمنى إلى نيابة أمن الفصحى قلت فرجت نيابة نيابة ورحت واخد البلاغ بتاعه من الجرنال وعلى بتاع المطبعة عدل وقلت يبقى كده الديوان كامل الإهداء عندك والمادة عندك والمقدمة عندك وآدى يا سيدى التقديم وللأستاذ الدكتور جابر قميحة وصحيح هو بيقدمنى إلى نيابة أمن الفصحى إنما كل اللى يجى منه كويس واسمه تقديم بقلم الأستاذ الدكتور جابر قميحة.

التقديم

بالاغ إلى نيابة أمن الفصحي ١١

أكره، وأرفض أن يكون المواطن عينا على الآخرين، ولكنى أجدنى مضطرا أن أكون هذه المرة «مخابراتنا»، وأقدم هذا البلاغ إلى نيابة أمن الدولة لشئون «العربية الفصحى» ضد مواطن يمثل خطرا فادحا عليها، وهذا المواطن الفلاح لم يتخرج في جامعة، ولم يدرس عروض الخليل بن أحمد، ولم يستوعب التيارات الأدبية، والمذاهب النقدية، ولم أشاهده مرة واحدة في احتفالات النخبة، أو ولائم الكبار المتحكمين في مقدرات الأدب والنقد والإبداع، كما أن هذا المواطن لم يكتب كلمة مدح واحدة في زعيم أو أمير، أو «أمين» من أمناء الحزب الحاكم.

ولكن هذا الفلاح أرصد نفسه لنظم مطولات شعرية بالعامية، ذات مضمون «عدواني إرهابي» خطير، فنراه في هذه المطولات بهاجم عمنا «بوش» وأمريكا، وإسرائيل، كما يهاجم الفساد والضياع والرشوة، وسوء الإدارة، والحال المايل.

وهو يصوغ كل هذه المضامين في إبداعات شعرية بالعامية ذات

بناء قصصى درامى محكم، بقدرة فائقة على صوغ الحوار الفنى الأخاذ، وتوزيعه فى تضاعيف المطوّلة فى براعة خطيرة جدا بحيث يعكس بعفوية - دون تكلف وتصنع - أبعاد المواقف والشخصيات، وأرضية الحركة، مع سريان ماء التشويق فى صوره المنبسطة، وأدائه التعبيرى الأخاذ، فلا يترك القارئ المنظومة إلا بعد أن ينتهى من قراءتها تماما. ومن «عدوانية» هذا الرجل أنه غزير الإبداع، وأنه لم يهادن الفساد لحظة واحدة حتى الآن.

واستطاع هذا الساحر الخطير أن يتسلل بمنظوماته العامية إلى نفوس القراء حتى الذين ينظمون بالفصحى من أمثالى وأمثال الشاعر الكبير الأستاذ عبدالغفار الدلاش. قرأت له مرات، واستمعت إليه ينشد بعض مطولاته في جماهير طنطا، فصفقت له الجماهير بأكفها والقلوب. ورأيتني سعيدا بتفوقه و «عدوانيته»، وابتسمت ، وقلت له «كم تمنيت أن تنظم بالعربية الفصحى» قال : "إن شاء الله. . أفعل عن قريب» ، وحتى يصدق الفلاح الخطير أمين الديب ابن قرية «نكلا» بالجيزة، أراني مضطرا لتقديم هذا البلاغ لنيابة أمن العربية الفصحى.

د. جابرقميحة

بلره حتباك الحقيقة

لما شفت الدنيا والعة والهلع في البنتاجون قلت سبحانك يا ربى كل دى أفعال جنون قلت أكتب عاللي صاب الأبرياء

وافتكرت الأبرياء اللي ماتوا في الشيشان واللي في البلقان عموما واللي في صبرا وشاتيلا واللي في صبرا وشاتيلا واللي في لبنان وغزة

واحنا عجزة

ما لنا حيلة!!

جات مراتى .. قالت لى: مالك؟

كتبت هذه القصيدة بتاريخ ٢٠٠١/٩/١٢ ونشرت بجريدة »آفاق عربية « بتاريخ ٢٠٠١/٨/٢٧.

إنت ليه قاعد حزين؟

قلت: طبعاً زعلانين

واللي زايد واللي غطي

لما نار الظلم تحرق

اللي شاف الظلم وطي

و ر بصی شوفی

بصى شوفى الناس بتجرى

والهلع باين عليها

بصى شوفى واحدة واقعة

واللى خدها من إيديها

بصى في السي إن إن

هى قالت:

هی فین؟ کبدی یا ابنی!!

فيه تلاتة مسنكينة

والنبي صعبان علي

مهما كانت إيه عقيدته والأبلده والادينه إلاّ قل لي دول في غزة والا دول سكان جنين؟ قلت جاهلة إنتي جاهلة إنتى عارفة دول منين؟ دول خواتنا الأمريكان هى قالت: كله واحد هم دول الأمريكان؟ والنبى جدعان عداله بس مين يعملها فيهم؟ والا مين يقدر عليهم؟ قلت: واحد بالتخصص

شغلته مص الدماء له معانا ألف سابقة طبعه قتل الأبرياء كل شيء قدامه هين حتى قتل الأصدقاء سهمت وقالت لي: هو والنبي دي عمايله هو حتحيروني وتديروني برضه هو واللي خطط له الموساد أصل ده أس الفساد الأجل تبقى حرب تالتة أو يروح يلزقها فينا والأشعب الأمريكان ينخدع يقلب علينا

والا يتلهى فى مصيبته والا يعمل كام معاهدة تبقى كل الخلق شاهدة راح يدبح فى الخلايق لاجل ما ترجع له هيبته تبقى كل القدس ضاعت والقضية تبقى ماعت واختفت أسرار جريمته... واختفت أسرار جريمته... قلت: جايز...

بس ممكن حد تانى؟
هى قالت: قل لى مين؟
قل لى مين يعملها غيره؟
طب وغيره!

قل لى إيه هى استفادته؟ والامين المستفيد؟

ما افتكرشي حد غيره أصل هو المستفيد بكرة حتشوف الدمار بكر تسمع عالجديد شوف يا خويا مشى حاكتر أو أزيد حتحيروني وتديروني برضه هو هو بس المستفيد واللي خطط له الموساد أصل ده أس الفساد

قلت: جايز..

بس جايز يتهمونا يتهموا في المسلمين

هي قالت:

ليه يا اخويا احنا قادرين إسرائيل؟

اللي بتدمر بيوتنا والمزارع جرفوها احنا قادرين نمنعوها لماح نروح أقوى دولة جوه بيتها نضربوها دول يا اخويا أقوى دولة ناس بتفهم مستحيل حيصدقوها إلا لو كانت مؤامرة لأجل ضرب المسلمين يضربوا الإسلام في آسيا بالخصوصي شرق آسيا والعرب متكتفين قلت: فرضاً صدقوها والمؤامرة نفذوها والكؤوس لعبت بروسهم

والنبى إوعاك تكمل كل ظالم له نهاية إنت شفت الزير بتاعنا شفته مسنود بالنواية؟ ينكسر قدام عينينا لو تشيل منه النواية اوعى تستهون بقيمتك اوعى تستهون بقيمتك حتى لو كانت نواية النهاية.

ربنا كاشف وشايف والحقيقة بين أيدينا كلنا مركبنا واحدة لما نبقى يد واحدة قل لى مين يقدر علينا؟

يعنى أكتب؟ أيوه إكتب وامشى في كل البلاد لاجل ما توعى الولاد روح لليبيا وامشى في الإمارات ومكة قل لهم.. جه وقت عكا روح كمان بغداد وسوريا وامشى للمغرب وتونس والجزائر والسودان قل لهم الوحدة قوة احذروا غدر الزمان

قلت: الله!!

إيه جرى لك؟ باحسبك حتقولى لأ واحنا مالنا

والا قوم إكتب أغاني والاغنى هي قالت: لأيا اخويا كل وقت وله أدان ربنا يجعل كلامك صرخة تلقطها الودان بالخصوص الأمريكان من يجيله البال يغنى؟ دا البكا دايما بيفلت غصب عنى عاللی صاب مرکز تجاری عالمی واللي صاب الأبرياء من عالمي واللي صاب البنتاجون واللى لسه بيعمله السفاح شارون

مين يجيله البال يغنى

والدمار في القدس وف غزة وأريحا؟ مين يجيله البال يغنى

والسنين الجاية من غير لون وريحة؟ مين يغنى لو يشوف عالم حزين؟ دا اللى شايلاه السنين شيء مخيف يا لطيف

يالطيف اللطف الطف يا لطيف قم وصكًى

ربنا عنده الحقيقة..

شد حيلك

أى واحد في العالم دا

عمره محسوب بالدقيقة

قم وصلى..

ربنا يكشف عمايله

بكرة حتبان الحقيقة

بكرة حتبان الحقيقة

البعاد لله يا يوسى

البقاء لله يا بوش والدوام لله يا بوش البقاء لله لوحده والسجود لله لوحده هو بس الباقى وحده خد كلامى بدون رتوش البقاء لله يا بوش

米米米

شفنا قبلك اللى شفته بس فى صبرا وشتيلا لا روحنا نشتكيلكم قولتو ما باليد حيلة وانبسطتم والصهاينة بيرهبونا وتقولوا لنا سلمولهم تبسطونا غير كده ما بنعرفوش

البقاء لله يا بوش

米米米

مش باعزًى أو شماتة فى اللى ماتوا أو حاقولك مين قتلهم أو صفاتوا انتوا يعنى كنتوا جيتوا عزتونا والا واحد منكوا مرة جه يحوش البقاء لله يا بوش

حُطّوا عينكم عالموساد هو ده أس الفساد اخترق قصر الرياسة واقتصادكم والسياسة قل لى أسباب قتل كنيدى؟ والآليه تم اغتياله؟ والآمين أرهب كلينتون؟

جاب له مونيكا حطها له! جه عليك الدوريا بوش انتوا ليه ما تحققوش البقاء لله يا بوش

الخیانة ف دمهم کان غیر کوا أشطر شفت کانوا إزای زمان أنصارلهتلر لما شاف منهم خیانة واکتشفهم کان جزاتهم حرقهم زی الهاموش البقاءلله یا بوش

لليهود أطماع كثيرة ياخدوا دوركم في الجزيرة بعدها راح يطردوكم حلمهم يستعبدوكم حلمهم يستعبدوكم

أصلهم ما يختشوش البقاء لله يا بوش


米米米

الصهاينة حلمهم تدمير عالمنا هم مش عايزين سلامكم أو سلامنا بكره يتأكد كلامنا إن ضرب البنتاجون كله من تدبير شارون وقتها لوح تسيبوهم تبقوا ناس ما بتفهموش البقاء لله يا بوش

شوف يا بوش كل واحد له نهاية مهما كان من جاه وقوة

وأنت برضه لك نهاية تبقى ليه عامل فتوة ربنا هو اللى أقوى يدًى بعد الضعف قوة والعليل يصبح فتوة والقطط تصبح وحوش البقاء لله يا بوش

أهدى والدى العزيز وأخى الحبيب أمين الديب، هذه الكلمات التى تدل على أن الخلاف لا يفسد للود قضية بل على العكس الخلاف قد يجعل من الود عشقا إذا كان الود خالصا لوجه الله لا لمنفعة أو مصلحة شخصية وما دام الخلاف في الرأى ليس في الطابع وما دام الخلاف لمصلحة هذه الأمة التى كُتب على شعرائها أن يتحملوا الجزء الأكبر من همها.



ألقى هذه القصيدة الشاعر الكبير ناصر صلاح في ملتقى الأربعاء بنقابة الصحفيين تعليقًا منه على قصيدة بكره حتبان الحقيقة بتاريخ ٣/١١/١٠١.

أمين الديب..

صديق شاعر

شاعر واعر

وشعره يحير العاقل

كما بيعقل الحاير

ودا لأنه راجل داير

يعيش في الدنيا طيف زاير

ويغطس جوه قلب الناس..

بإحساسه

وخفة دمه إخلاصه

ويطرح من دموعنا الضحك

ويجمع من فرحنا آهات.

ونشعر بالحياة وياه

ولو كان شعره في الأموات

لكنه زى باقى الخلق..

بيطاطي.

إذا ما هب ريح عاتى

وإكمن الرياح على طول

على بلادنا بعرض وطول

على ديننا.. على عقولنا

فمش معقول

هييجى اليوم لعمى أمين

ويرفع راسه ويواجه

لأن العود..

ركز على وضع ما راح عنه يوم أو . . جه

وقبل ما تقولولی دا غیظ ودی غیرة

وحاسب فضها سيرة

هشهدكم

وأشيل من عقلكم حيرة

فعم أمين يا أحبابنا

علی راسی

وجؤه ضلوعي نبراسي

وباتعلم أنا منه

وباتمني أكون زيه

بسيط خالص

عميق خالص

وباتمنى يكون زيي

ما يفرقشي ما بين الصهينة والشرك

ولا يبلعشى طُعم الغرب

ويعرف إننا للضرب

ولو سلمنا بن لادن فسيف الغدر ما يسيبنا وهيصيبنا فسيف الغدر ما يعرف لُغة هادن

杂杂杂

ونفسى فى يوم يكون زيى
ويعرف إن رب الكون كلامه حق
وإن الحق لازم له رجال للحق
وإن القردة والخنازير
وأتباعهم من الطراطير
ما بتواجه
بتدارى ورا الجدران
كما التعابين.. كما الجرذان
ولا يستغنى عن روحه

عشان غيره..

عشان ابنه.. عشان نفسه

ولا فيهم واحد زي اللي فينا يا ديب.

يقول: أرضى وأجدادي وآبائي

تاريخهم خالى يابا أمين

مافيهش شهيد ولا فدائي

مافيهش غير خاين غادر

فيصعبشي عليك كافر

وسامحني..

إذا لساني نسى نفسه وغلطني

فُده...دائي


张朱徐

يا عم أمين

ولوحتى مش إحنا اللي كان عاملين

فبرضه نقول بإن إحنا اللي له عاملين هنخسر إيه فلو حاولم يردوا الصاع صاعين واكتر فمن بدري بيسقونا مرار الصاع كاسات واكتر وراكبنا راحين جايين وف إديهم يا ديب لركوبنا ميت أبو نيه وحطولنا على رؤوسنا ولاه أتباع فمنهم اللي باع شعبه وفيهم اللي قام رهنه ومنهم اللي قام سرقه. ونصب نفسه فوقه إلاه وكله اتباع يا عم أمين وكله ضياع يا حول الله

يا عم أمين أنا عاشق حروف قلمك وباتألم كما ألمك ولكن حط في علمك تموت واقف كما الصفصاف ولا تموتش جبان خواف



خسرناکسیانا ولاد وبنات

أخونا وابننا ناصر وصفنى إنى زى الخلق كل الخلق وباطاطى إذا ما هب ريح عاتى ومتشكر الأفضاله جعلنى زى كل الخلق وكل الخلق إخواتى ومش معقولة كل الخلق ومش معقولة كل الخلق بتطاطى..

دا بس اکمنی فی الواطی وأنا اصلی قصیر زی إخواتی ولا اعرفشی أطاطی لحد کلامی زی حد السیف

ألقيت هذه القبصيدة في ملتقى الأربعاء رداً على قصيدة الشاعر ناصر صلاح بتاريخ ١١/ ١١/ ٢٠٠١.

ويمكن احد ولا عمرى أكون خواف وعمرى ما خاف ولا اتدارى ورا التصاوير ولا فيه سر شايله ف بير ولا عندى كلام تلميح كلام واضح... كلامي صريح وانا ما اعرفش یا ناصر أفرق بين أناس ماتوا في غزة والآفي البلقان ولا الشيشان وأمريكا ولا الصومال وبلجيكا أنا راجل أقول الجد کلامی جد

أمرنى الدين أكون عادل

وما اخشاش حد

أدام راجل ماشى ف حاله

مالى وماله

لا هُو ف بالي

ولا حتى أنا ف باله

وإيه ذنبه..

عشان يتيتموا عياله؟!

وإسلامنا برئ منها

برئ منا

لو إحنا كنا عاملينها

أنا مااعرفش يا ناصر... قلوب الناس

أسيب الناس لرب الناس

ويبقى كلهم عندى أناس برءاء

سواء أحمد سواء جرجس سواء شيماء أنا ما تهمنيش أسماء وحتى القتلة يا ناصر بدون أسماء وما تهمش هنا الأسماء سواء إن كانه بن لادن أو إن كانه شامير وشارون ومين عاقل ومين مجنون؟! وبتقول لى نقول احنا اللى عاملينها ما هي دى اللى أعدائنا بيسعو لها وعايزينها وفعلاهم فتحوا الباب عشان يضرب ونبقى احنا بتوع إرهاب عشان نقلع آخر حاجة

عباية الدين

يادوب هي اللي سترانا

يادوب هي إللي لابسينها

ويبقى الدين كأنه سراب

دافضوا محتوى الإسلام

بفيديو كليب

وناس بتسب

ومؤتمرات حقوق إنسان

حقوق مرأة.. وحريات

واتحادات.. وكانوا يمولوا الجماعات

ولهونا بحاجات وحاجات.

وكانوا بيقلبوا الآية

يخلوا العالم الفاضل

مالوش ذكري

وأما لاعب الكورة.. من البهوات نساءنا تمشى عربانة..

على الموضة ولا الخواجات

ورقاضة بقت هانم من الستات

وإعلامهم وصل بيهم

يدسوا السم لعيالنا

وأصبح كل زعمائنا.. وآبائنا

وأجدادنا حدا عيالنا

كلامهم كدب..

وأعداءنا هم الصادقين

عيالنا كلهم تايهين .. وننصح مين؟

واقول لك إيه

وأعيد لك إيه

وبتقول لى ح نخسر إيه؟

خسرنا كتير

حاجات وحاجات

خسرنا كل شباننا وشاباتنا

ولاد وبنات

بقت أمريكا قبلتهم.. وكعبتهم

وسابوا الكعبة والصلوات

وبتقوللي ح نخسر إيه؟

یا ناصر إنت زی ابنی وتاج راسی

وسامحني ولوحتي أكون قاسي

أنا سنى كذا وستين

وعارف إن أمريكا خصوصاً كل حكامها

من الملاعين

وأعرف إن تخطيطها بعيد خالص

لضرب الدين

وتسقينا السموم في كاسات ونشربها كما الشربات يا ناصر إوعي طعم الغرب صحيح احنا رجال للضرب لكن مع مين؟

مع المحتل والغاصب عدو الدين ولمو فكر وراح عندك. وجه عندى ح نبقى كلنا ضده. ويبقى الكل فدائيين ومتحرم عليه أمنه

ومتحرم عليه خيرنا.. وبترولنا ومن حقك إذا هدد وجه عندك ماتفرقشى ما بين عسكر ومدنيين لكن لو كان في أوطانه تساعده عشان يكون آمن

ومره.. ف مرة تشرح له ... أصول الدين، ويمكن ربنا يهديه وسبحانه هو القادر على العاصيين یا ناصر أنت بتقول لی ما تفرقشی ما بين الصهينة والشرك نصيحة حلوة مقبولة وأنا فعلا ما بفرقشي ما بين الصهينة والشرك كمان عايزك تكون زييي ما تفرقشى ما بين من يهدم الإسلام سواء إن كانه أمريكي ولو مسلم رومانتيكي وإسلامه يدوب بكلام دا اقتل النفس يا ناصر

عمل قاسى على الإسلام وبتقول لى ح نخسر إيه یا ناصر قل لی لیه نمشی فی سکتهم ونعمل زي عملتهم كفاية إن حضارتهم حضارة كلها عصابات حضارة شهوة وملذات حضارة قتل عشوائي وقتل الذات ومقصودهم يمشونا في سكتهم وهم يبقوا قدامنا وننتبع لخطوتهم وهي أصل خطتهم.. لضرب الدين ونتلفت شمال ويمين

وننسى هدي سنتنا وننسى أصل عقيدتنا وننسى الحق وننسى العدل وننسى قدرة الرحمن وتبقى القوة.. قوتهم وننسى قوة الديان ودي مش هي عقيدتنا ولا دی هی سنتنا يا ناصر انت من واجبك ومن واجبى نمشيهم في سكتنا وحضارتنا ونشرح أصل عقيدتنا وليه ح نتوه

وقدامنا هدى القرآن ما تقرا ف سورة الفرقان وتقراف سورة الرحمن والمؤمنون والكافرون وسامحنی یا ناصر إنت زی ابنی ومن حقك تكون زيى ومش من حقى اكون زيك عشبان سني مادام بتقول لى يا بابا أمين واوعى هوانا يحدفنا شمال ويمين واوعى تتوه مع التايهين ولو قالوا ما فيه الخمر یا ناصر دیننا فی ایدینا

كما القابض على نار جمر وراجع كل أشعارى بشىء م العدل والإنصاف حتلقى الجبن مش طبعى ولا يمكن أكون خواف



والله الله

فى أحد اجتماعات الرئيس بوش فى شهر أكتوبر ٢٠٠١م ولم يكن قد مضى على أحداث سبتمبر أكثر من عشرين يومّا، صرح للصحفيين بأن الحرب القادمة حرب صليبية، وبذلك فقد أعلن عن نواياه الحقيقية. ولما نهره معاونوه ومستشاروه أعلن فى اليوم التالى أن ما قاله بالأمس هو زلة لسان. وبما أن الشاعر لابد أن يرصد كل ما يدور حوله من أحداث ويظهر نوايا العدو ويفضح أساليبه فلقد كتبت هذه القصيدة فى اليوم التالى لتصريحاته. ونشرتها جريدة آفاق عربية الأسبوعية بتاريخ ١١/١٠/١م.

قال حلمت كأنى قاعد.. جنب بوش قرّبت منه وقلت له.. أهلا يا بوش قال لى: مين؟

أنا قلت له... فلاح وشيخ الفلاحين

قال لى: قل لى.. اسمك إيه؟

أنا قلت له.. الشيخ أمين

قال لى: بصراحة يا شيخ أمين

الفلاحين... ناس متعبين

ة قُمت اتعدلت ف قعدتي..

وحْلِفْت له بالأوليا.. وبوالدتى

وقلت له..

الفلاحين.. ناس طيبين

عايشين على فيض الكريم

واللي يجود بيه ربنا

ورغيفنا ناتج زرعنا

بناكلوا عيالنا لُقَمْ.. بعرق وطين

ناس شغّالين

وكلامنا دوغرى

لا فيه شمال.. ولا فيه يمين.

وكلامنا فوق طرف اللسان من قلبنا

الحب ساكن قلبنا

وبعقلنا.. ناس مؤمنين

ولا أي حاجة تهزنا

والكلمة واحدة عندنا

ولا عندنا.. شيء في الخباثة

ولا كلمة للناس كلها

ولا كلمة لبتوع السياسة..

إسمع يا بوش

أصل الحكاية كلها.. الكيل طفح

والناس بتسأل.. إنتو فين؟

وإزاى تكيلوا بمكيالين

وأخوك شارون

ساق في الجنون

ماتأخذونيش.. يقتل عيال؟

هم العيال يعنى الصغار مش أبرياء؟

والآ العجايز.. والنساء؟

مش أبرياء...؟

ويغشكم ويقول لكو الإرهاب بتاعهم عالمي

ويروح يدمر عندكم مركز تجاري عالمي

ويروح يهد البنتاجون.

أقسم يمين له دخل فيه

بقى مش جنون

طب قصده إيه.. يضربكوا ليه؟ وتقولوا بن لادن ضربنا وهزنا ضيّع هيبتنا وهدنا

أحلف بكل الأنبيا.. وبربنا

الضربة دى من عندكم.. وبعلمكم وبالخصوص السي. آي. إيه C.I.A

ما اعرفش ليه..؟

للمسلمين تنسبها ليه؟

ما تقولوا عايزين منا إيه؟

إن كان على البترول.. خدُوه

هو احنا حشناه.. عنكم

والأ احنا عارفين خدتوا إيه؟

وحسابنا إيه؟

والأ المشايخ يعرفوا معاكم حساب؟

حتى اسألوا شركة عرب قام قال أرااب أنا قلت له أراب.. أراب

حتى اسألوا شركة أراب

ما بنقبضوش غير اللي بيفيض منكم

دفتر شیکات.. یعنی بورق

وبتبلعوا كل الحساب

يبقى بصراحة.. نعملوا قاعدة عرب

وأنا مُطرحُه ونحققوا

إن كان فعلها.. أتشنق..

قال لى إتفلق..

بقى دولة عظمى زينا

تقعد معاك عالمصطبة

عُمر كُش شفت الفيل

يصالح أرنبة

دا حتى تبقى معيبة

لابد.. بن لادن يجينا لحدنا

واللي ف دماغنا نعمله

أنا قلت له

مش مكسوفين؟

بقى دولة عظمى زيكم

تحشد جيوش.. على فرد واحد هزكم

والبنتاجون يطلع فاشوش

وتقسموا العالم معاكوا وضدكم؟

مش مكسوفين؟

وفرضنا هو

لازم تداروا عجزكم

أو تختشوا على دمكم

واكفوا على الأخبار ماجور وبلاش تثور وتضحك العالم عليك إن كان صحيح المسألة خالت عليك ولو إنه مش بيت القصيد وبلاش كمان نسرح بعيد اسمع يا بوش بقى دولة عظمى زيكم.. ما تجبش واحد من قفاه؟ والآ انتوا يعني خيال مقاتة؟! والأانتوا ناقصين الشماتة؟! والأأنت بتفكر في مين؟ تكونش ناوى تدبحوا في المسلمين؟

قل لى بصراحة.. ما تختشيش

أنا خوك أمين.

قال لى: بصراحة يا شيخ أمين

أسامة عارفين مُطرحه

لكن حافتش كل بيت

في كل دولة ضدنا

أنا قلت له:

أحلف يمين مش عندنا

قام رد قال:

من غير يمين أسامة ساكن عندكم

وف سوريا وف لبنان

وليبيا والسودان

لازم أفتش عندكم..

كل المساجد والبيوت

أنا قلت له: ربك كبير

ربك نصرنا من زمان بالعنكبوت ليه الافترا!!؟

قادر يشتت شملكم.. ويهدكم

ويرد كيدكو ف نحركم

إسمع يا بوش

إن كنت بتجيش جيوش.

إحنا بصراحة.. ما بنخافوش

إن عشنا لازم ننتصر

وإن متناح ننول الشهادة

واللي انت برضه ما تعرفوش

أقصى الأماني عندنا.. هي الشهادة

ويا بخت من يلقى الشهادة..

اقرا التاريخ

وشوف تاريخ طرد الرومان

واعرف كمان.. يا ألعبان يا أبرهة هذا الزمان..

ا بتام، اندے

ولسه قاعد بافتكر

في اللي جرى والآ اللي كان

صحيت على صوت الأدان

رددت وياه الأدان

الله أكبر

الله أكبر

هرب الشيطان.. الأُلعبان

والفجر بان والغدر بان والفرق بان

بين أبرهة ملك الحبش

وأبرهة.. حاكم بلاد الأمريكان

الأولاني الطير رماه

والتاني قال زلة لسان

فلناطور.. فالناطور. فالوا احلبوه!

كنت قاعد جنب زوجتي

زی عادتی

باشتكى لها من همومي

واللي شفته كل يومي

انتظرت تقول لى حاجة

أى حاجة

سهمت وقالت لى ... قل لى

قال صحيح كلمت بوش

قلت: باحلم.

كنت باحلم .. إنى قاعد جنب بوش

وانتى مالك!

غايرة ليه؟

سبلت لى رمش عينها

وبعينيها قلّبتني

وبطريقة ملتوية كلمتني

انت ليه ما انتش فاهمني

ليه فاكرنى ... إنى فاهمه إنه بيساهرك صحيح؟!!

دا اللي زيك أقصى حاجة

لو تشوفه ... وبصحيح

تبقى زى البعض منهم

من بعيد ... راسهم براسه

أما لما يروح لحده

ينعمني قدام مداسه

واللي ناقص .. يسجدوا له

أي كلمة يقولها هو

لو غلط بيسقفوا له

وانت عارف إنه حاكم أغنى أمة

له حراسة وله هلُمّة

والعالم ده له لوحده

وحده بس ...

ما فيهش غيره

وانت عارف

الغنى لو عازله شقفة

الفقير يكسر له زيره

حتى لما تشكه شوكة ..

كلهم يتوجعوا له

تبقى شوكة ف بطن رجله

واللي يزعق آه يا عيني

واللى قال كات جت في قلبي

واللى قال الهم صابني

واللى قال له:

خلِّي عنك

كلنا واقفين بدالك

والقواعد عندى جاهزة

والعرب طبعًا رجالك

أما انت تقول له إيه؟ والآيعنى حيلتك ايه؟ والآيعنى حيلتك ايه؟ اللي حتى ما انت نائب! والآعضو ف أي حاجة والآعضو ف أي حاجة أو نقابة .. للغلابة الفلاحين

قلت انا فلاح وشاعر

يعنى شاعر

بالغلابة اللي زي .. من عموم الفلاحين

والكلام ده له معانى

يعرفوه المسئولين

وانتى عارفة الفلاحين

هم مصر

أصل مصر

هم ناسها وهم جيشها

أى وقت وأى عصر

والحكومة خدامتنا م الصغيّر للكبير الوزير قبل الفقير وانتى عارفة كله جاى بالانتخاب والرئيس بالانتخاب حد كان جاى غصب عنا؟! كلهم عارفين كلامنا كلهم حافظين مقامنا يعملوا لنا ميت حساب هي قالت: عارفة طبعًا يعملوا لكم ميت حساب لما ييجى الانتخاب

ليه تقلِّب في المواجع

إيه لزوم النفخة إيه؟ والنبى تخليك في حالك

إيه جرالك ..

الكلام ده أصله ايه؟

باسألك كلمت بوش

وتساهرني بكلمة حلوة

أو تقول لى قلت إيه؟

انفتحت تقولشي بربخ

کل ده کاتم علیه؟

قلت: مالك

وانتى مالك غايره ليه؟

خلصينا ..

والكالم ده تبطليه

هي قالت:

ایه دا أصله

طب لزوم الحمقة إيه؟ بأسألك علشان أقول لك كنت تبقى تقول له إيه؟

قلت: جاهلة

انتي جاهلة

انتى فاهمة في السياسة

هي قالت:

هو رجعنا لورا إلا السياسة والكلام اللي بحماسة والمفاوضة والمراوغة

> والتلاعب بالكلام والا بوش راعى السلام آه يا نارى لو أشوفه كنت أقول له عالحقيقة

كان ح يجرى من كسوفه كنت اجيبها عالبلاطة والا أقولها له ببساطة

شفُ يا بوش

انت ناوى تقضى عالإرهاب صحيح؟

أو كلام الليل بزبدة

والنهار يطلع يسيح؟

والا قصدك تضرب الأفغان عمومًا؟

والأعايز كل آسيا

بالخصوص شرق آسيا

قلت لما اعملها حجة

وانتقم م المسلمين؟

والنبى ماتنول مرادك

مهماح تطول السنين

شُف یا بوش

الغلط فوقك وتحتك

انتو صناع السلاح

وانتو تجار السلاح

قل لى راح .. إزاى لإيدهم؟

اشتروه ... والاكانوا بيسرقوه؟

راح يقول لى...

في الحقيقة هم كانوا بيشتروه

كنت أقول له:

طب يا اخويا .. ما انتوا عارفينهم عصابة

والصهاينة دربوهم ..

علموهم ... يبقى يعنى الفرد منهم

زى وحش ف قلب غابة؟

والصهاينة قوتوهم

خليتوهم دمروا كل المزارع والبيوت

واتبنت مستوطنات

والعرب بتسكتوهم. تنصحوهم وتقولوا لهم فوتوها من سكات والسلاح طبعًا في إيدك من زمان ترهبنا بيه تبقى إيييه؟ تبقى في الإرهاب معلم والشارون أكبر معلم واللي هد البنتاجون كانوا صبيان المعلم حبوا يعنى يثبتوا لك الصبى صبح المعلم والمعلم كسروه تبقى تزعل ليه يا اخويا وانت عارف السلاح لما كانوا بيشتروه

والا فاكرينهم خلايجة يشتروا منكو السلاح يشتروه ويخزنوه؟ والام السعودية هم عمرهم ما استعملوه؟ لأ يا بوش عند دى الحق راكبك بس روق فوق ودقق ... لو تحقق تلقى صبيانك كتيرة الصهاينة ... والموساد واللي مش عايز زعامتك وبصراحة اللى يركب فوق كتافك لو عملها ما تلوموش

لأ يا بوش لأيا بوش لم الجيوش بطل الإرهاب شوية دا اللي شفته مش شوية وابتدى رتب حياتك وابتدى إعرف عدوك إسرائيل أكبر عدوك ملعونين مطرح ما يمشوا شف تاريخهم في الخيانة دول عصابة ما يختشوش لأيا بوش ليه علينا هجت ليه؟ إنت عايز منا إيه؟ لو تسيبوا الناس في حالها يجرى إيه؟

هى دى هي الحضارة؟ كلها تخريب وزيف جانها نيلة دى الحضارة القوى ياكل الضعيف؟ بكره يجى الدور عليكم ما تلاقوش حق الرغيف انت ليه منفوخ علينا انت فاكر نفسك ايه؟ انت هتلر .. والا قيصر والانيرون الجديد والا قل لى جنسك إيه؟

قلت: بس

بس بس

انتى بربخ والا مصرف سيبوه الحيطان فيها الودان

والكلام بيسجلوه انتى عايزة يسألونا عن أسامة ويقولوا لنا خَبَّتُوه

والا هربان في الدراوي الدرة راح ينسفوه

طب ساعتها نعمل إيه؟

والعيال راح ياكلوا ايه؟

والكلام ح يفيد بإيه؟

فوضى أمرك لربك

ياما قلنا وغيرنا قال

احذروا حكام أميركا

الولد طالع لابوه

في العراق صدام سببها

والأسامة ... شرق آسيا

بكرة ييجى الدور علينا والدّبُب تقتل صاحبها ياما حذرنا وقلنا قلنا طور ... قالوا احلبوه

الدراك

الفجر لاح هل الصباح والكل عازف عالكفاح وقف الجميع بينادي حي على السلاح هل الربيع ظهرت زهور ... أزهار وحور ظهرت آیات ظهرت دارین بتقول لبوش ... مغرور يا بوش ما بنقتلوش لاكننا ... من ظلمكم شهداء من قبلهم... كانت وفاء

بتقول لبوش ... احنا النساء وحق من رفع السماء لاقتل معاك معنى الغرور احنا الزهور

اتفجرت بين الصخور

واتبدل الإظلام بنور وف نشرة الأخبار الدنيا عرفت كلها الضغط ولد لانفجار وسمعت واحد بینادینی یقول یا جار استنهضوا كل الهمم .. من غير قمم الثورة كبرى .. الثورة قايدة قايدة نار بصيت عليه مین انت قل لی فی آی دار قال في العراق ... في القدس في الأردن يا جار ياخويا نادى معايا بالوحدة مافيش أوطان صغار قم شيل سلاح واضرب وثور

خلينا نصنع لانتصار

تعريف بالشاعر

- **الشاعر:** محمد عبد الحسيب الديب
 - وشهرته: الحاج أمين الديب
- مواليد قرية نكلا مركز إمبابة- الجيزة ومقيم بها ولم يبرحها
 - تاریخ میلاده ۵/٤/۱۹۳۷.
 - عضو جمعية الأدباء.
 - ـ عضو نادى أدب الجيزة المركزي
 - عضو ندوة الفجر الأدبية رأسه الدكتور يسرى العزب
- عـ ضو ملتـ قى الأربعاء الأدبى رئاسـة الشاعـر والصحـفى
 الوردانى ناصف
 - عضو رابطة الزجالين
- عضو صالون أباظة الأدبى رئاسة الدكتور محمد الدسوقى
 أباظة
- يشارك في جميع المنتديات الأدبية والثقافية منها زتيليه القاهرة ومركز رامتان الثقافي بمتحف طه حسين وندوة

فضفضة بمتحف أحمد شوقى بالجيزة وجمعية الأدباء بدارالأدباء.

■ نشرت أعماله بالصحف والمجلات المصرية والعربية وإذيعت قصائده في الإذاعة في برامج عديدة وكذلك في التليفزيون في برامج عديدة أيضًا كان اخرها برنامج رئيس التحرير، وقناة فلسطين وفي معظم القنوات الفضائية المصرية والعربية.

■■ صدر للشاعر

١- إيه معنى إن الحجر بيخوف المحتل.

٢- بكرة حتبان الحقيقة.

٣- آخر گلام

الطبع

١- القضية هي هي.


٢- مساجلات شعرية.

٣- مختارات من شعر أمين الديب في قـضايا العالم في
 النصف الثاني من القرن العشرين

الفهرس

رقم الصفحة	الموضوع
٣	- الإهداء الإهداء
٥	- تمهيــــــــــــــــــــــــــــــــــــ
٩	- تقديم د. جابر قميحة
11	- بكرة حتبان الحقيقة
40	- البقاء لله يا بوش
44	- هنخسر إيه
£ 4	- خسرنا كل شبانا ولاد وبنات
09	- زلة لسـان
۷١	-قلنا طور قالوا احلبوه
۸٩	- الفجر لاح
94	- تعریف بالشاعر
90	- الفهرس

مطبعة المركزي العؤسسة الشعودية بمفسر مطبعة المركزي العشائ العباسية القاهرة.ت:١٥١١٨٥١



بلره حتيان الحقيقة

بين دفتي هذا الديوان للشاعر الفلاح أمين الديب خلاصة التجربة الشعبية المصرية مع الاستعمار القديم والجديد على السواء، غزو متعدد الأشكال، متغير الأسلحة، يتجدد جلده كالحرباء، منشغل

دائما بممارسة القهر على كل شعب أصيل في حضارته أو ثقافته أو موقعه أو أهميته الاقتصادية أو الاستراتيجية، هنا رؤية شعبية واعية تدرك الواقع بكل أبعاده وتستشرف المستقبل بكل ما يمتلك الشعب المصرى من قدرة على النبوءة، ويدق كعادته ناقوس الخطر ويرفع راية الوعى لعل الواقع يفيق فترتفع من جديد راية التحرر الحقيقي من الاستعمار بكل أشكاله وفي كل صوره.

د. يسرى العزب



716 8b